

Suria KLCC bantu Zoo Negara, SPCA

KUALA LUMPUR 31 Julai – Suria KLCC Sdn. Bhd. hari ini menyampaikan bantuan berjumlah RM97,657 kepada Zoo Negara dan Persatuan Pemuliharaan dan Kekejaman Binatang (SPCA) bagi melindungi haiwan terbiar.

Ketua Pegawai Eksekutif Suria KLCC, Andrew Brien berkata, sumbangan tersebut diperoleh menerusi

kutipan Safari Animals yang diadakan baru-baru ini.

“Sumbangan ini diharap dapat digunakan bagi menyelamatkan dan melindungi haiwan-haiwan yang terbiar di jalanan,” katanya pada majlis penyerahan cek tersebut di sini.

Cek tersebut disampaikan oleh Brien kepada Pengerusi Persatuan

Zoologi Malaysia, Datuk Ismail Hutson.

Dalam pada itu, Ismail berjanji akan menggunakan sumbangan tersebut untuk membela haiwan yang terbiar.

“Kami akan memberi pendedahan kepada golongan muda tentang pentingnya haiwan yang berada di persekitaran kita,” katanya.